



## **Universitätsbibliothek Paderborn**

### **Exemplorvm Libri Tres**

Liber Secvndvs, Siue Exempla, In Septem Capitalivm Vitiorvm  
Detestationem, Per Qvadragesimam, Anno M. DC. XLVI. narrata

**Stengel, Georg**

**Ingolstadii, 1650**

§. 1. Ira, quid sit, & an semper mala?

[urn:nbn:de:hbz:466:1-48186](#)

## CAPVT VI.

IRA, ET IRACVNDIA, IN ALIQVOT  
HISTORIIS, EXENTERATA.

## P A R S P R I M A.

I.

IRA QVID SIT,  
ET AN SEM-  
PER MALA?  
Aristot. lib. 1.  
de anima.  
Silu. verb. ira,  
num. 1.

Sabellic. I. 9.  
c 3. de iracun-  
dia.

S. Basil. orat.  
de ira.

Laërt. lib. 6.

Psalm. 4. 7.  
Ephes. 4. 25.

S. Chrysost.  
hom. II. in  
Matth.

**R**AM, Aristoteles docet, esse *aceensionem sanguinis circa cor;* alij *appetitum vindictæ;* compleiūs tertij vtrumque coniungunt, aiuntque, *iram esse, sanguinis inflammationem,* circa cor, propter appetitum vindictæ; seu cupiditatem puniendi eius, à quo se quis læsus arbitratur. Hæc cupiditas, moderata esse potest, vel immoderata. Si moderata est, bona est; si immoderata, aut contra ordinem rationis, mala est, maloqué asino vehitur, cui haec ira calcar addit equitant. Sunt nimurum medij quidam motus animorum, quibus si male vtaris, sunt vitia; si aliter, virtutes erunt. *Qui peccanti irascitur, ut vitium corrigat, nihil inhumanè facit: qui iniuriam damnat, aut illatam ulciscitur, fortis hic & iustus: at qui iram non frangat, sed præcepit rapitur, is immanni bellue similius, quam homini. Itaque, ut S. Basilius scribit, *ira, in homine, est, quod canis in domo;* qui bonus est, si fures abarceat latrando; malus, si in domesticos & amicos infestus insurgat.* Irasci aliquem iuste posse, è Diogenis constat dicto, qui, cùm de non irascendo accuratè disputaret, proterius quidam adolescens, velut periculum faciens, an dictis facta competeant, & num Philosophus re præstaret ea, quæ docebat oratione, in faciem illi spuit. Tulit id quidem æquo animo & sapienter Diogenes; dixit tamen: *Non quidem irascor, sed dubito, an irasci oporteat?* Indicauit ergo, aliquando irasci oportere. Est hæc affectio cos virtutum; est regiminis, & iusti metus radix; est nimiæ lenitatis atque indulgentiæ correctrix, est etiam inter eos qui Doricè concinunt; neque discordant. Nec recti limites excedit, si in fræno teneatur. Quare illud David prouidè monuit: *Irascimini, & nolite peccare.* Potest enim irascens non peccare; immo potest peccare, qui non irascitur, sed ridet, quando flenda cernit, causamque habet irascendi. *Qui sine causa irascitur, ait S. Chrysostomus, reus erit, qui vero cùm causa, non erit reus: nam si ira non fuerit, nec doctrina proficit, nec judicia stant, nec erimina compensantur.* Si ira defit, nemo pugnabit, nemmo vin-

mo vincet, nemo de hōste est triumphaturus, vel certē pauci. Manichaeorum hæresis fuit, vsque adeò irascendum non esse, vt ne malefactores quidem occidi posse iudicarent: cūm tamen, ex actis & probatis dignum morte, à morte eximere non possit iudex. Deus itaque qui irascitur, non in totum prohibet iram, quia is affectus necessariò datus est; ait Lactantius: & Aristoteles: Est maximus ad subeundam pericula aculeus iracundia.

Stoici iram & omnes animi affectiones, tanquam malas, exstingebant radicibus tollendas; vera tamen & à S. Augustino approbata Peripateticorum sententia est, motus eiusdemmodi posse rationi consentaneos esse, & aduersos. Monet ergo S. Thomas, in quauis affectione appetitus sensitui, duobus modis malum posse existere. Primò ex ipsa specie, seu obiecto passionis: secundò ex quantitate, seu ex defectu vel excessu illius. Ex obiecto inuidia, in sua specie, est mala; quia est tristitia de bono aliorum, quod omnino rationi repugnat: vnde, apud Philosophum inuidia semper sonat malum. Hoc autem pacto ira, generatim & ex se, non est mala, cum appetitus vindictæ & bonus esse possit, & malus; fit autem mala ira, quando ibi vindicta coquit, vbi nihil est vindicandum, aut maiore minorētate coquit, quām alter mereatur. Itaq; secundo modo mala esse potest ira, quando quis, etiam ibi, vbi aliquid vindicandum est, plus, vel minus, quām ratio suadeat, irascitur vindicatque. Qui autem iræ, juxta rationis dictamen, habens laxat, non irascitur, male; quia illi irascitur, cui irascendum est, & tantum irascitur, quantum est irascendum: & ibi irascitur, vbi est irascendum. Quod non fecit Sparsus, quem Seneca scribit, inter Scholasticos insanum, inter insanos Scholasticum fuisse. Et quamvis Aristoteles tradat, iram non perfectè audire rationem; S. Gregorius autem, ab ira tranquillitatem mentis diuerberari, dilaniari, perturbari, doceat: Cassianus etiam oculos mentis excacari dicat; & ex D. Dionysij pronuntiato, malum anima sit, esse sine ratione; id tamen non est intelligendum vniuersim; sed de ira, quæ præuenit, non quæ sequitur rationem. Ira, quæ antecedit, rationem à rectitudine sua trahit, atque idcirco mala est; quæ autem sequitur rationem, bona est, à ratione enim ducitur, non seducit ipsa rationem. Sicut enim cæcus non errat à vidente ductus; errat autem videns, si à cæco ducatur; ita non

Lactant. Fir-  
mian. lib. de  
Ira Dei.  
Aristot. lib. 3.  
Ethic. c. 8.

## II.

QVAE IRA  
BONA, QVAE  
MALA SIT?  
S. Augustin.  
l. 9. de ciu. c. 4.  
S. Thom. 22.  
q. 158. art. 1.

Aristot. l. 2.  
Ethic. c. 6.

Aristot. l. 7.  
Ethic. c. 6.  
S. Grég. 5.  
Mor. c. 30.  
Cassian. lib.  
de Inst. Cœ.  
nobior.

deuiat.